



**IIMVIWO ZESATIFIKETHI SEMATRIKI
SIKAZWELONKE (NSC)
NGONOVEMBA 2019**

IMIHLA EBALULEKILEYO:

- Ukubhengezwa kweziphumo zeemviwo zeNSC zango-2019: UMphathiswa kazwelonke uya kubhengeza iziphumo zikazwelonke nezephondo ngoLwesibini we-07 Januwari 2020 ngo-18h00
- ISebe leMfundo leNtshona Koloni (WCED) liya kuzibhengeza iziphumo zabaviwa ngabanye ezikolweni ngoLwesithathu we-**08 Januwari 2020 ngo-12h00**
- Iziphumo zinokufunyanwa ngokungena kula maziko ewebhu eSebe iWCED: <https://www.wcedonline.gov.za> **nge-08 Januwari 2020 ngo-12h00**
- Umhla wokuvala wokumakishwa kwakhona nokutshekishwa kwakhona kweencwadi zeempendulo: **22 Januwari 2020**
- Umhla wokuvala ukubhalisela iimviwo zokuxabangela zeNSC zangoMeyi/Juni 2020: **31 Januwari 2020** (lifom zokufaka izicelo ziya kufumaneka ezikolweni nakwiziko lewebhu leWCED: <https://www.wcedonline.gov.za>)
- Iimviwo zokuxabangela zeNSC zangoMeyi/Juni 2020: **Ezibhalwa nge-29 Apreli ukuya kwi-12 Juni 2020** (Ithayimthebhile izeza kuqinisekiswa)
- Ukuthathwa kwezatifikethi zeemviwo zeNSC zango-2019 ezikolweni: Juni 2020

UYACELWA UZITSHEKISHE IINKCUKACHA ZAKHO BUQU KWINGXELO YEZIPHUMO ZE-NSC YAKHO UZE UCELE UKU-LUNGISWA KWEEMPAZAMO ZINGADLULANGA IINTSUKU EZIYI-21 EMVA KOKUBHENGZWA KWEZIPHUMO

- Qinisekisa ukuba onke amagama akwisazisi afakiwe kwingxelo yeziphumo
- Tshekisha ukuba igama (amagama) nefani zipelwe ngokuchanekileyo
- Tshekisha ukuba uchanekile na umhla wokuzalwa/wesazisi oprintiwe na kwiziphumo
- **Makuqatshelwe:** Iimposiso zezolawulo ezifana nezi zinokulungiswa kwithuba leenyanga ezintathu emva kokubhegezwa kweziphumo

Ukuba kukho naziphi na iimpazamo kwiziphumo, makuqhagamshelwane noNdlunkulu yaye makabekho la maxwebhu alandelayo:

- (a) Ingxelo yeziphumo zangoku
- (b) Ikopi engqiniweyo yesazisi
- (c) Ingxelo efungelweyo, echaza ukuba umngumnini osemthethweni wengxelo yeziphumo
- (d) Mayixelwe ngokucacileyo impazamo emayilungiswe
- (e) Makuzaliswe ifom yesicelo sokukhutshwa kwakhona kweengxelo yeziphumo

Ukumakishwa kwakhona/ukutshekishwa kwakhona kweencwadi zeempendulo

Umhla Osikiweyo: 22 Januwari 2020

Ngubani okufaneleyo oku?

- Abaviwa banokufaka isicelo sokumakishwa kwakhona nokutshekishwa kwakhona kweencwadi zeempendulo zabo ukuba banoluvo lokuba amanqaku abawanikiweyo kumaphepha abhaliweyo awayibonisi ngokuchanekileyo indlela abapase ngayo kwiimviwo.
- Ukumakishwa kwakhona kuthetha ukuba incwadi yeempendulo eyintsusa imakishwa okwesibini ngummakishi.
- Ukutshekishwa kwakhona kwencwadi yeempendulo yakho kukutshekishwa kwakhona okungaphezulu ukuqinisekisa ukuba yonke imibuzo imakishwa ngokufanelekileyo nokuba onke amanqaku abalwe ngokuchanekileyo.
- **Kukuthini ukufaka isicelo sokubona incwadi yempendulo?** Wakuba ufumene iziphumo zakho EMVA kokumakishwa nokutshekishwa kwakhona kweencwadi zeempendulo, unokufaka isicelo sokubona iincwadi zeempendulo zakho. Makufakwe isicelo ku-Christiaan.Klopper@westerncape.gov.za noxwebhu olububungqina bentlawulo yokubona iincwadi zeempendulo zakho.

Intlawulo

Ukumakishwa kwakhona =R112 (ngesifundo ngasinye)
Ukutshekishwa kwakhona = R27 (ngesifundo ngasinye)
Ukubonwa kweencwadi zeempendulo (kuphela emva kokumakishwa kwakhona nokutshekishwa kwakhona kwazo) = R219

Ndisifaka njani isicelo sokuba iincwadi zeempendulo zam zitshekishwe okanye zimakishwe kwakhona okanye zitsheshkishwe khona?

➤ Ibhanki::	Nedbank
➤ Igama le-akhawunti:	WCED
➤ Udidi lwe-akhawunti:	Current Account
➤ Inombolo ye-akhawunti:	1452 045 089
➤ Igama lesebe:	NEDBANK CORPORATE
➤ I-Branch code:	145 209
➤ I-Deposit reference:	15 +ID Number

Indisifaka njani isicelo sokuba iincwadi zeempendulo zam zitshekishwe okanye zimakishwe kwakhona okanye zitshekishwe khona?

- **Aziyi kwamkeleka** iikopi ezingamaphepha zezicelo zokumakishwa kwakhona zeencwadi zeempendulo
- Makufakwe isicelo sokumakishwa okanye sokutshekishwa kwakhona kweencwadi zeempendulo kusetyenziswa iinkonzo zobhaliso ezikwikhompuyutha (online registration services) apha www.eservices.gov.za.
- **Makuqatshelwe:** Ayimakishwa kwakhona i-Common Assessment Task (CAT) yeSifundo se-Life Orientation.
- Uyacelwa uqaphele ukuba ingxelo yeziphumo entsha iya kukhutshwa kuphela xa ngaba ziye zaphucuka zakumgangatho ophezulu iziphumo okanye xa ngaba iyatshintsha ireyithi yokupasa kwakho..

Makuqatshelwe: Abaviwa abafaka izicelo zokumakishwa kwakhona/zokutshekishwa kwakhona bacetyiswa ukuba babhalisele iimviwo zango-Meyi/Juni kwimeko yaxa kungekho kuphucuka komgangatho weziphumo zabo.

IIMFUNO EZIMISELWEYO ZOKUPASA IIMVIWO ZE-NSC

Kukho amanqanaba okupasa amane:

1. Isatifikethi i-Higher Certificate
2. I-Diploma
3. Ukupasela ukwenza isidanga sokuqala (okwakubizwa njenge-exemption ngethuba langaphambili)
4. Izatifikethi zeemviwo zeNSC – Ukupasa kwiMfundo eneeMfundo eziZodwa (Special Needs Education (SNE)).

Iimfuno zokupasa imatriki kwinqanaba ngalinye kula alandelayo:

Iimfuno ezimiselweyo zokupasa nge-Higher Certificate

- Makafumane ubuncinane i-40% kuLwimi lweeNkobe
- Makafumane ubuncinane i-40% kwizifundo ezithathu
- Makafumane ubuncinane i-30% kwezinye izifundo ezithathu
- Makafumane ubuncinane i-30% ukupasa ulwimi lokufunda nokufundisa (LoLT)
- Makapase ubuncinane izifundo ezithandathu kwizifundo ezisixhenxe

Iimfuno ezimiselweyo zokupasa ngeDiploma

- Makafumane ubuncinane i-40% kuLwimi lweeNkobe
- Makafumane ubuncinane i-40% kwezinye izifundo ezithathu kungabandakanywanga i-Life Orientation
- Makafumane ubuncinane i-30% kwezinye izifundo ezithathu
- Makapase ubuncinane izifundo ezithandathu kwizifundo ezisixhenxe

Kwezi mfundo zokupasa zimiselweyo, unokufaka isicelo soku-funda idiploma kwi-Technical and Vocational Education and Training (TVET) college okanye kwiyunivesithi yethekhnoloji.

Iimfuno ezimiselweyo zokupasela ukwenza isidanga sokuqala

- Makafumane ubuncinane i-40% kuLwimi lweeNkobe
- Makafumane ubuncinane i-50% kwezinye izifundo ezine kungabandakanywanga i-Life Orientation
- Makafumane ubuncinane i-30% kwesinye isifundo
- Makapase ubuncinane izifundo ezithandathu kwizifundo ezisixhenxe

Iimfuno ezimiselweyo zokupasa ze-SNE

- Baya kufumana isatifikethi se-NSC esi-endosiweyo ukuba abafundi bayazithobela ezi mfundo zimiselweyo zokupasa zilandelayo:
 - (a) Yi-30% kulwimi lwaseburhulumenteni olufunekayo nokuba kukwinqanaba loLwimi lweeNkobe okanye kweloLwimi lokuQala oloNgezelelweyo;
 - (b) Yi-30% awona manqaku asezantsi kwezinye izifundo ezine.

Makuqatshelwe: Abaviwa abenza izifundo ezihlanu ubuncinane zeNSC ezinesatifikethi esi-endosiweyo mabapase ngo-30% ubuncinane kuzo zozihlanu izifundo ukufumana isatifikethi seNSC SNE esi-endosiweyo.

Makuqatshelwe: Zonke izifundo, kungabandakanywanga iSifundo seLife Orientation, ziya kuqwalaselelwa imfuno ezimiselweyo zokupasela ukwenza iDiploma/isiDanga sokuqala.

Abaviwa abangapaselanga ukwenza iDiploma okanye isiDanga sokuqala kwiimviwo zabo abazichopheleyo ngoku banako ukuphucula ireyithi yokupasa kwabo ukuba bayabhalisa baze babhale iimviwo zeNSC zokuxabangela zangoMeyi/Juni 2020. Iziphumo eziphuculweyo zinokudala utshintsho kwindlela ebebepase ngayo yaye kunokukhutshwa isatifikethi esitsha ngu-Umalusi.

Xa umfundi epasele ukwenza isiDanga sokuqala, unako ukufaka isicelo sokufunda isiDanga sokuqala kwiyunivesithi, kwiyunivesithi yethekhnoloji, kwi-TVET college okanye kulo naliphi na iziko lemfundo ephakamileyo elivunyiweyo.

Amanqanaba okupasa: Okuthethwa ngamanqanaba okupasa

- Inqanaba 7: 80 -100% (Uphumelele emagqabini)
- Inqanaba 6: 70 -79% (Uphumelele ngokuqaqambileyo)
- Inqanaba 5: 60 - 69% (Uphumelele kakhulu)

- Inqanaba 4: 50 - 59% (Uphumelele ngomndilili)
- Inqanaba 3: 40 - 49% (Uphumelele ngokwanelisayo)

Zeziphi izifundo ezinyanzelekileyo?

- Ulwimi lweeNkobe
- ULwimi lokuQala oloNgezelelweyo
- i-Mathematics okanye i-Mathematical Literacy
- I-Life Orientation

Umele ukwenza ulwimi lwakho lokufunda nokufundisa (isiNgesi okanye isi-Afrikansi) njengolwimi lwakho lwezifundo zolwimi.

Onke amanqaku ovavanyo i-school-based assessment (SBA) marks afunyenwe ukususela ngo-2008 asemthethweni, yaye abafundi abaphinda izifundo ke ngoko kufuneka babhale kwakhona amaphepha abhalwayo.

INGCACISO YOBHALISO

Ubhaliso -iimviwo zokuxabangela zeNSC zangoJune 2020

- Izicelo ezingamaphepha mazingeniswe ungalulanga owe-31 Januwari 2020

Imibuzo:

Ifoni: 021-467 2974/2936/2914/2732/2990/2917/ 2909/2941

I-imeyili:

Examregistrations@westerncape.gov.za

Iimviwo zangoMeyi/Juni 2020 zeNSC zokuxabangela zivuleleke kubo bonke abaviwa ababhala iimviwo zeNSC zangoNovemba 2019

NB: Inombolo yoncedo kwiimviwo (examination helpline) iyafumaneka ukuba unemibuzo apha evekini ukususela ngo-07h30 ukuya ku-16h00 apha: (021) 467 2300 kude kube ngowe-31 Januwari 2020.

**IZIPHUMO ZINOKUFUNYANWA KU-INTANETHI
APHA: <https://wcedonline.westerncape.gov.za>
NGOKUSEBENZISA IFANI NENOMBOLO YESAZISI**